

blur cruinneachadh 'an ceann a chèile 'an aghaidh an Tighearna: agus a thaobh Aaroin, ciod e, gu'm bheil sibh re gearan 'na aghaidh-san?

12 Agus chuir Maois *teachdaire* uaidh a ghairm Dhatain agus Abiraim mhac Eliaib, muinntir a thubhairt, Cha d' théid sinn suas.

13 An ni beag e gu'n d' thug thu nios sinn a talamh a tha fruthadh le bainne agus mil, gu'r marbhadh 'san fhàsach, mur dean thu thu féin gu h-iomlan a'd' uachdaran os ar ceann?

14 A thuilleadh air fo, cha d'thug thu sinn gu fearann a ta fruthadh le mil agus le bainne, ni mò thug thu dhuinn oighreachd mhachrach agus fhionliofan: an cuir thu mach sùilean nan daoine sin? cha d' théid sinne suas.

15 Agus bha Maois ró-dhiomach, agus thubhairt e ris an Tighearna, Na biodh meas agad d'an tabhartas; cha do ghabh mise aon afal uatha, ni mò rinn mi cron air a h-aon diubh.

16 Agus thubhairt Maois re Corah, Bi thusa agus do chuideachd uile 'an làthair an Tighearna, thusa, agus iadsan, agus Aaron am màireach;

17 Agus gabhaibh gach duine a thùiseir, agus cuiribh tùis ann-ta, agus thugaibh 'an làthair an Tighearna gach duine a thùiseir, da cheud agus leth-cheud tùiseir; thusa mar an ceudna agus Aaron, gach aon *dhìbb* a thùiseir.

18 Agus ghabh gach duine *cùibh* a thùiseir, agus chuir iad teine ann-ta, agus chuir iad tùis orra, agus sheas iad ann an do-

rus pàilliuin a' choi'-thionail maille re Maois agus re h-Aaron.

19 Agus chruinnich Corah an co'-chruinneach uile 'nan aghaidh gu dorus pàilliuin a' choi'-thionail: agus thaisbeincadh glòir an Tighearna do'n cho'-chruinneach uile.

20 Agus labhair an Tighearna re Maois, agus re h-Aaron, ag ràdh,

21 Sgaraibh sibh féin o mheafg a' cho'-chruinnich fo, agus sgriosaidh mi iad mar ann am priobadh na sùla<sup>a</sup>.

22 Agus thuit iad air an aghaidh, agus thubhairt iad, O Dhé, Dia spiorad gach uile fheòla, am peacach aon duine, agus am bi fearg agad ris a' cho'-chruinneach uile?

23 Agus labhair an Tighearna re Maois, ag ràdh,

24 Labhair ris a' cho'-chruinneach, ag ràdh, Rachaibh suas o thimchioll pàilliuin Choraih, Dhatain, agus Abiraim.

25 Agus dh'éirich Maois suas, agus chaidh e dh'ionnsuidh Dhatain agus Abiraim; agus lean seanairean Israeil e.

26 Agus labhair e ris a' cho'-chruinneach, ag ràdh, Sgaraibh sibh féin, guidheam oirbh, o bhùthaibh nan daoine aingidh ud, agus na beanaibh re ni sam bith a 's leo, an t-eagal gu'n sgriofar sibh 'nam peacannaibh uile.

27 Mar sin chaidh iad suas o phàilliuin Choraih, Dhatain, agus Abiraim, air gach taobh: agus thainig Datan agus Abiram a mach, agus sheas iad ann an dorus am bùthan, agus

<sup>a</sup> ann am platha.